

**Kalaallit Nunaata Kitaani, Maniitsup kommuneani, Arnangarnup Qooruata  
allanngutsaaliorneqarnera pillugu Namminersornerullutik Oqartussat nalunaarutaat nr. 31  
ulloq 20. oktober 1989-imeersoq**

Kalaallit Nunaanni pinngortitamik allanngutsaaliuineq pillugu landstingip inatsisaani nr. 11, 12.  
november 1980-imeersumi §§ 4 aamma 19 naapertorlugit makku aalajangersarneqarput:

**§ 1.** Angujaartorfiup Nunaani nunap immikkoortortaa Arnangarnup Qoorua kaajallallugu nunap  
assingani imatut killilikkap iluaniittoq  $66^{\circ}30'N/51^{\circ}37'V$ ,  $66^{\circ}29'N/51^{\circ}37'V$ , portussuseq (kotepunkt)  
1040 m, portussuseq (kotepunkt) 949 m,  $66^{\circ}27'N/51^{\circ}20'V$  aamma  $66^{\circ}32'N/51^{\circ}07'V$   
allanngutsaaliugassanngortinneqarpoq pinngortitap kusanassusia, kulturikkut kiisalu  
ilisimatoqarnikkut pingaaruteqarnera pissutigalugit (takuuk nunap assinga ilanngussaq 1).

*Imm. 2.* Sumiiffimmi imm. 1-imi taaneqartumi naasut uumasullu ukioq naallugu innarlitsaaliugaallutillu  
eqqissisimatitaapput.

*Imm. 3.* Illukut, ilerriit, allallu qangarnitsanut eqqaassutissat imaaliinnarlugit peerneqarsinnaanngitsut  
innarlerneqassanngillat qanoq ilillugilluunniit allanngortinneqassanatik.

*Imm. 4.* Naasunik, nassunnik, niaqqut saarnginik qangarnitsanillu tamanik katersinissaq  
inerteqqaavaoq.

**§ 2.** Nunap immikkoortuani allanngutsaaliukkami taamaallaat pisuinnarluni angalaartoqartassaaq.

**§ 3.** Nunap immikkoortuani allanngutsaaliukkami uninngaarnermi nunaminertat innersuussutigineqartut  
avataanni tupertoqarnanilu assinginik uninngaarfiliortoqassanngilaq. (takuuk nunap assinga ilanngussaq  
2).

*Imm. 2.* Nunap naasui suusulluunniit ikummatitut atorneqassanngillat.

*Imm. 3.* Palleqarfinniit orpinnullu assingusunik naasoqarfinniit 50 m-inik qaninnerusumi  
ikumatitsinissaq inerteqqaavaoq.

**§ 4.** Maanngaannaq igitsineq, inissiineq assaassinerlu inerteqqaapput pigisalluunniit nunap  
immikkoortuanut allanngutsaaliukkamut nassarsimasat qimaannarneqassanatik.

**§ 5.** Naalakkersuisut Maniitsumi kommunalbestyrelsep isumasioqatigereerneragut aalajangersakkanik  
§§ 1-imiit 4-imut allassimasunik saneqqutsisitsisinnaapput.

**§ 6.** Nalunaarummi matumani aalajangersagaqareeraluartoq nunami allanngutsaaliukkami Kalaallit  
Nunaanni  
aatsitassat il. il. pillugit inatsit nr. 844 ulloq 21. december 1988-imeersoq naapertorlugu aatsitassanik  
misissueqqaarnermut, ujarlernermit atuinernullu akuersissuteqartoqarsinnaavoq.

**§ 7.** Nalunaarummi matumani aalajangersakkanik §§ 1-imiit 4-imut allassimasunik unioqqutitsinermi

eqqartuussisutigut akiliisitsisoqarsinnaavoq.

§ 8. Nalunaarut atortuulerpoq 1. december 1989, tamatumunngalu peqatigitillugu Angujaartorfiup Nunaata allanngutsaaliorneqarnera pillugu nalunaarut ulloq 2. oktober 1984-imeersoq atorunnaarpoq.

*Namminersornerullutik Oqartussat, ulloq 20. oktober 1989.*

Jonathan Motzfeldt

/

Aqigssiaq Møller

---

Ilanngussaq 1+2